

آبونه شرائطی

ممالک عثمانیه ده سنه لیکي (۶۵)، الق
آیلنی (۳۵) غروشد .
ممالک اجنبیه ده سنه لیکي (۱۷)، الق
آیلنی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مسلكه موافق آثار مع الممنونیه قبول
اولنور . درج ایمله بن یازیلر اعاده
اولونماز .

الشیخ الاسلام

سر ۱۳۳۰ ♦♦♦ ۱ ♦♦♦ ۱

اخطارات

رساله مزین آلمدیفی کو-ترک شریطه
بتون یازیلر هر هانکی بر غرضه طرفندن
انتباس اولونه بیلیر .

§

مکتوبلرک، امضالرک واضح و اوقوناقل
اولمسی و آبونه صره نومروسی محتوی
بولومسی لازمدر .

§

ممالک اجنبیه ایچون آبونه اولانلرک
آدرس لریشک فرانسیزجه ده یازلمسی دجا
اولنور .

§

پاره کوندرلدیکی زمان نه یه دائر اولدیغی
واضعا بیلدیلمسی دجا اولنور .

دینی ، فلسفی ، علمی ، ادبی ، سیاسی هنته لق مجموعه اسلامیه در .

اتبعون اهدکم سبیل الرشاد

صاحب و مدیر مسئول : مع . اشرف ارباب

والله یهدی من یشاء الی صراط مستقیم

جلد ۱۰

۱۵ اغستوس ۱۳۲۹

پنجشنبه

۲۵ رمضان شریف ۱۳۳۱

عدد ۲۵۹

نفسیه شریفه

ترجمه سی

• اولیه بر حکیم ارلیدرکه : اسلامی بوتون ادیانہ غالب
چیقارمق ایچون، پیغمبرینی هم ارشاده، هم او دین حق تلقین
وظیفه سیله کوندرمشدر؛ بوکا شاهد ایسه الله کافیدر .

بسم الله الرحمن الرحيم

هو الذي ارسل رسوله بالهدى ودين الحق ليظهره على الدين
كله وكفى بالله شهيدا .

ای جماعت مسلمین ! کلیکز ، یاسک ، قورک ، عطالتک کفر
محض اولدیغی قفالریمزه ایجه یرلشدیرم ده دین الہی ایچون موعود
اولان استقبال نورانوره طوغرو بر آن اول یورومہنک چارہ سنہ باقم .
سز الکز ، قولکز باغلی طورویورسکز اما زمان طورمیور ،
سفہای زمان طورمیور ! آرہ کزده کی رابطہ یی بوس بوتون قیرہ رق
سزی شیرازہ سی قومیش برکتابک اوراقی کبی پریشان ایتمک ایستہ یئلر
باقیکز ناصیل چالیشیورلر ، ناصیل اوغراشیورلر !
کورمیورمیسکز ، اسلامه ، شعائر اسلامه ، ناموس اسلامه ،
اخلاق اسلامه ایدلن هجوملر نہ مرتب برطرزده اولیور؟ هربری باشقه
یولده رذیل برامل بسلہ ییغین ییغین اسافل کندی ملوث احتراصلرینی
تطمینہ مانع کوردکلری اسلامی یرہ سرمک ایچون بر آرہ یه کلیورلر ،
ال الہ ویریورلرده ؛ هر حسده ، هر فکرده ، هراملہ برلشمسی ، عینی
غایہ کزینہ طوغرو بی پروا یورومسی ایجاب ایدن سزلر ناصیل اولیورده
بو قدر خبرسز ، بو قدر حسسز طاورانہ بیلورسکز ؟

امام المسلمین ، خلیفہ رسول رب العالمین جناب عمر (رضہ)
« اشکو الی الله من تجلد زندیق و بطائنة صديق = زندیقک جلادت ،
مؤمن صديقک ایسه بطائنة کوسترمسندن الله صیغیریم . » دیرمش .
بز نہ دیہلم بیلیم کہ ! زندیق آلہ بیلدیکنہ تجلد کوستریور ؛ صديق
ایسه صوک درجده لاقید طاورانیور ! ولا حول ولا قوة الا بالله .

محمد عاکف

دین حق اولان اسلامک - بلااستنا - بوتون ادیانہ غالب کله جکنی؛
بر کون کلوب، یریوزنده حاکم مطلق کسبله جکنی ؛ الله ذوالجلال بزہ بو
آیت جلیله ده وعد ایدیور . هم یالکز وعد ایلده قالمیور : بو وعدک
قطعیته کندی ذات کبریا پناہنی اشهاد ایدیور .

نه بویوک وعد، نه معظم تأیید !
مفسرین کرامدن بعضیلری بو آیت کریمہنک یالکز زمان نزولیه
سبب نزولنه باقره ده مکهنک فتحیله وعد آلمینک تحقق ایتیش اولدیغنه
قانع اولیورلر سده بزم بو قناعتہ اشتراکز آنجق دین حقک غلبه سی ،
لکن قطعی، قاهر بر غلبه سی کورمکه قابل اوله بیلیر .

دیمک : وعد آلمی هنوز تحقق ایتہ مشدر؛ دیمک : اسلامک ماضیسندن
چوق ده بارلاق بر استقبالی اولدیغنه ایمان ایدرک اوکا کوره چالیشمق
اک متحتم بر وظیفه در . یوقسه، هم برطرفدن « ان الله لا یخلف الميعاد
- ولن یخلف الله وعده - وعد الله لا یخلف الله وعده . . . » آیتلرینی
دیلدن دوشورمه مک؛ هم دیگر طرفدن بویله اک قطعی بر وعد آلمینک
تحققندن مأیوس اولمق کفرک ، ایمان سزلنک پک غریب برشکل اولور !
بر ریاضی فطینک دیدیکی کبی « بودین یا واحددر ، یا خود صفردر ؛
کسر اولماسنک احتمالی یوقدر » . دینک واحد اولدیغنه ایمان ایدنلر بویله
ایکیده برده بنی اسرائیل کبی « افتؤمنون ببعض الکتاب و تکفرون
ببعض = یوقسه سزلر کتاب اللهک بر قسمنه قارشئ مؤمن ده بر قسمنه
قارشئ کافر میسکز ؟ » عتابنه هدف اولمالیدرلر .